

NAQQIUT
Allannguutissatut siunnersuut 16. november 2009-meersoq taarserpaa

(Taamaallaat teknikkikkut allannguuteqarpoq)

Allannguutissatut siunnersuut

uunga

**Uunga siunnersuut: Aalisarneq pillugu Inatsisartut inatsisaata allanngortinneqarnera
pillugu Inatsisartut inatsisaat.**

Naalakkersuisut aappassaaneerneqarnissaanut saqqummiussaat.

§ 1-mut.

1. § 1, nr. 2-mi § 14, imm. 5 imatut oqaasertalerneqassaaq:

“Naalakkersuisut sinerissap qanittuani aalisarnermi aalisarsinnaanermut akuersissutinik tunniussinermut kiisalu akuersissutinik allanik tunniussinermut atatillugu akiliuteqarnissamik piumasaqarsinnaapput, annertussusissaat aalisarsinnaanermut akuersissutinik tunniussinermut akuersissuteqartarnermullu atatillugu allaffisornermut aningaasartuutit tunngavigalugit aalajangersarneqartunik. Taamaattorli sinerissap qanittuani raajarniarnermut akuersissutinut akiliisoqartassanngilaq.”

Nassuaatit nalinginnaasut

Allannguutissatut siunnersuut saqqummiunneqarpoq Aalisarneq pillugu inatsisartut inatsisisaata allannguutissaanut siunnersuutip siullermeerlugu suliarineqarnera tunngavigalugu.

Inatsisip oqaasertaani siullermeerlugu suliarineranut tunngatillugu allannguuteqanngilaq. Allannguutit taamaallaat inatsip nassuaatitaanut tunngapput.

Inatsisissatut siunnersuumut tunngatillugu siullermeerininnermi oqaatigineqartut innersuussutigineqarput, atuisut akiliuteqartittalernissaanut tunngatillugu umiatsiaararsortut atugarisaat pingarnerutilugu eqqartorneqarpoq.

Naalakkersuisut inatsisissatut siunnersuutip oqallisigineqareernerani oqaaseqaatigineqartut naapertorlugit inatsisissatut siunnersuutip oqaaseqaatitaani allannguutissanik suliaqarpoq.

Avataasiortut eqqarsaatigalugit aalisakkanut tamanut qalerualinnullu pisassiissutit aamma sinerissap qanittuani raajartassanut pisassiissutit eqqarsaatigalugit allannguuteqanngillat. Tamatuma kingorna sinerissap qanittuani aalisariummut akuersisummut ataatsimut 1.500 kr.-inik akiliisoqartalissalluni, qaleralinniarnissamut, saattuarniarnissamut nippisanniarnissamut aamma saarullinniarnissamut akuersisummik tunniussisoqartillugu. Qeerarniarnerit, suluppaagarniarnerit, nataarnarniarnerit uugarniarnerillu tassunga ilanngunneqarput.

Sinerissap qanittuani umiatsiaararsorluni aalisarnermut tunngatillugu allannguutip kingunerisaanik tamakkiisumik akuersisummut siunissami 1.500 kr.-inik akiliuteqartassapput. Tamakkiisumik akuersissut taanna atorlugu umiatsiaararsortut qaleralinniarsinnaatitaassapput, saattuarniarsinnaatitaassapput, nippisanniarsinnaatitaassapput, saarullinniarsinnaatitaassapput, suluppaagarniarsinnaatitaassapput, nataarnarniarsinnaatitaassapput kiisalu uugarniarsinnaatitaassaallutik. Tassunga tunngatillugu ilisimatitsissutigineqassaaq atuisut akiliuteqartalernissaannut malittarisassat nalunaarutikkut erseqqinnerusut massakkut suliarineqalerutormata.

Tamatumannga atatillugu nalunaarutigineqarpoq, allannguutip kingunerissagaq akuersissutinut akiliutit 400.000 kr.-inik ikileriarneri.

Aalajangersakkanut ataasiakkaanut oqaaseqaatit

Nr. 1-mut

§ 14, imm. 5-mut

Oqaaseqaatini allannguut siulleq pivoq qup. 4-mi immikkoortumi atuisut akiliuteqartittarnerisa atuutilersinneqarneranut tunngasuni. Immikkoortup ataani imatut oqaasertalimmi: "Pisassiissutit agguanneqartut agguaqatigiissillugit 180.000 tonsit tunngavigigaanni aalisakkanut/qalerualinnullu akitsuut tonsimut ataatsimut 60 kr.-iulluni taava iluanaarut kr. 10.800.000-iussaaq. Taakkua saniatigut saattuarniarnissanut, saarullinniarnissanut, nippisanniarnissanut qaleralinniarnissanullu akuersissutinut ataasiakkaanut 1.500,00 kr.-nit aningaasaliissutigineqarput, taakku 2.115.000 kr.-nik naleqarput." Tassani akigititaq kr. 2.115.000 akigititamut kr. 1.879.500-mut allanngortinnejassaaq.

Immikkoortup tulliani imatut oqaasertalimmi: "Aalisarsinnaanermut akuersissut ataaseq 1.500 kr.-qartinneqarpat avataasirolunilu aalisarnermi akitsuut tonsimut ataatsimut 60 kr.-iutinneqarluni, atuisunut akiliutigitinneqartut katillugit kr. 12.915.000-iussapput." kisitsit kr. 12.915.000 kr. kisitsimmut 12.679.500-mut allanngortinneqassaaq.

Oqaaseqaatini qupperneq 10-11-mi immikkoortoq una ikkunneqassaaq:
"Aalisarnissamut akuersissutip tunniunnerani akiliuteqarnissamut tunngatillugu umiatsiaararsortut angallatillu allat assigiinngissuteqarput. Umiatsiaaqqat akuersissummit tamatigoortumik tunineqassapput taamaasillutillu akiliuteqassallutik ataasiaannarlutik, sinerissalli qanittuani aalisartut allat tamarmik, sinerissap qanittuani kinguppannik aalisartut kisimik pinnatik, aalisakkanut assigiinngitsunut, qalerallit, saattuat, nipesat, saarulliit (taakkununnga ilaatinneqassapput qeeqqat, suluppaakkat, nataarnat uukkallu) aalisakkanut tamanut immikkut aalisarnissamut akuersissisummut akiliuteqartassallutik."

Immikkoortoq taanna ikkunneqassaaq qup. 10-11-mi immikkoortumi "Nr. 2-mit nr. 7-imut" oqaaseqatigiit "Aamma immikkoortoq pisortanut aningaasarsiornikkut allaffissornikkullu kingunerisassai takuuk."